



partii naleraq

17.April.2017

UPA2017/124

Uunga siunnersuut: Nunat Aqqinik Aalajangiisartut pillugit Inatsisartut inatsisaat nr. xx, xx.xxx 2017-imeersoq

(Iliniartitaanermut, Kultureqarnermut, Iisimatusarnermut Ilageeqarnermullu Naalackersuisoq)

Naalackersuisut sinnerlugit Nunat Aqqinik Aalajangiisartut pillugit inatsisartut inatsisissaattut siunnersuut matumuuna saqqummiunneqartoq Partii Naleqqamiit imatut oqaaseqarfigissavarput, Nunat Aqqinik Aalajangiisartut pillugit inatsisartut inatsisissaattut siunersuummut tungatillugu susassaartut tusarniavigineqarsimanerat maluginiarparput.

Nunat aqqisa allattugaatiginissaat pingaarutilerujussuuvoq tassami qangarsuaaniilli siulitta aammalumi maannamut sumiissusersiutitut ilaatigut atorneqartarnerat ilisimaneqarmat ilaallu allatorneqaratik tammaraannalerlutik, tamakkulu tammarannalersut allatorneqartariaqarput ilaatigut inuit ilisimannittut toqukkut qimagussimalerput, ilisimannittullu suli ilaqassammata piartumik allatorneqarnissaat atinillu nalunaarsuinermit makkua aamma ilaatinneqarnissaat kisaatigaarput qaqqat, tattit, kuussuit, kangerluit, nunatat, qeqertat, qoororsuit, iigartartut, Sermersuit aqqi, il.il. Kalaallillu nunaat tamaat ataatsimut eqqarsaatigalugu kalaallisut atersuinissaq innersuussutigalutigu.

Tamakku tamaraannalersut qanoq pingaaruteqartigineri assersuusiorfigilaas-savakka: Sisimiuni nassiffimmi angut utoqqanngortoq nikorfaqatigalugu maanna toqukkut qimagutereersoq imatut oqaluutilerpaanga kangimut saagit Nasaasaap qaqqartaata kimmut nunguneraniik aallartilluni nassuiallunga allartippaanga tassa qaqqarsuaq Uveq tulliuppoq Nasaasaq, Asungasungaat, Alanngorsuaq, assaqquttap majoria, qerrortusup majoria, Maniilannguit. Majoriaq, Qiterlinnguaq, Kaffit, Niuujarfik, Sammisooq, Nulia, Nattoralinnguaq, Palasip qaqqaa siulliit taasarsimasaat Assumiut qaqqaat, taava massakkut sisorartarfiat Oqummiangua, tassa oqummianguata saqqaani sisorartarput aali oqartartut alanngorsuarmigooq sisoraramik tassa kingullarsuit, tasaanagooq Sisimiut allerorsuarnik ungalusimasooq, tassalu kigutai taagorpai qaqqarsuit, tassalu tasii aamma taagorlugit nalunnguarfik, imeqarfik, Oqummiannguup tasii, Pujortuup kua, il.il. Sisimiut atia tassaasinnaasimagaluarpoq Allerorsuit imaluunniit Oqummiannguit.

Tamakkulu tammaraannalersut kulturitsinnut pingaarutilissuit, soorlu Themotæus Poulsen-kutut ittut katersaat naleqqanik nalunaarsuineq inuttaat peqatigalugit katersorneqartariaqarput tamakkunungalu assingusut aamma allat.

Partii naleqqamiit erseqqissarumavarput Nunat Aqqinik Aalajangiisartoqarneq tamakkiisumik tapersorsorsigut aammalu inatsisissamut allannguutissatut siunnersuut atuutsinneqalerpat, atuutsinneqalernermilu kingorna arlaatigut ippinnartoqassapat neriulluta piartumik ippinnartui iluarsineqarumaartut.

Taamatut oqaaseqarluta aappassaaniinnginnerani ataatsimiititaliamut susassa-qartumut ingerlatinneqarnissaa innersuupparput.

Henrik Fleischer